

an Tighearna do Dhia a chur ainme 'an sin, an uair a bheannaicheas an Tighearna do Dhia thu:

25 'An sin ni thu airgiod *deibh*, agus ceanglaidh tu suas an t-airgiod a'd' laimh, agus theid thu chum an àit a thaghas an Tighearna do Dhia.

26 Agus bheir thu an t-airgiod sin air son gach ni a mhiannaicheas t'anam, air son buair<sup>a</sup>, no air son chaorach, no air son fiona, no air son dibhe làidir, no air son gach ni a mhiannaicheas t'anam: agus ithidh tu 'an sin 'an làthair an Tighearna do Dhé, agus ni thu gairdeachas, thu féin, agus do theaghlach.

27 Agus an Lebhitheach a *tha* 'n taobh a stigh do d' gheataibh, cha tréig thu e: oir cha 'n'eil roinn no oighreachd aige maille riut.

28 Aig crìoch thri bliadhna bheir thu mach uile dheachamh do chinnis air a' bhliadhna sin féin, agus taisgidh tu suas *e* an taobh a stigh do d' gheataibh.

29 Agus thig an Lebhitheach (a chionn nach 'eil roinn no oighreachd aige maille riut) agus an coigreach, agus an dil-leachdan, agus a' bhantrach a *tha* 'n taobh a stigh do d' gheataibh, agus ithidh iad, agus fa-suichear iad; a chum gu'm beannaich an Tighearna do Dhia thu ann an uile oibribh do làmh a ni thu.

## C A I B. XV.

**A** Nceann *gach* feachd bliadhna ni thu suasgladh.

2 Agus *is* e so modh an fhua-

sglaidh: Gach fear fiachla a bheir *ni sam bith* air iasachd<sup>b</sup> d'a choimhearfnach, suasglaidh<sup>c</sup> se *e*, cha 'n iarr e air ais *e* o choimhearfnach, no o bhràthair, a chionn gu'n goirear suasgladh an Tighearna dheth<sup>d</sup>.

3 O eilthreach feudaidd tu iarraidh air ais; ach *an ni* a's leat féin a ta aig do bhràthair, suasglaidh do làmh *e*.

4 Ach a mhàin an uair nach bi<sup>e</sup> nireasbhuidheach sam bith 'nar measg: oir beannaichidh an Tighearna gu mòr thu 'san fhearann a tha 'n Tighearna do Dhia a' toirt dhuit *mar* oighreachd, r'a shealbhachadh:

5 A mhàin ma dh'éisdeas tu gu dùrachdach 're guth an Tighearna do Dhé, a thoirt an aire gu'n dean thu na h-àitheanta fo uile a *tha* mi 'gàithneadh dhuit air an là'n diugh.

6 Oir beannaichidh an Tighearna do Dhia thu, mar a gheall e dhuit; agus bheir thu air iasachd do mhòran chinneach, ach cha ghabh thu air iasachd: agus bithidh uachdranachd agad air mòran chinneach, ach cha bhi uachdranachd aca-san ort-fa.

7 Ma bhios 'nar measg duine bochd, aon do d' bhràithribh, an taobh a stigh aon do d' gheataibh, ann ad fhearann a *tha* 'n Tighearna do Dhia a' toirt duit, cha chruadhaich thu do chridhe, ni mò a dhruideas tu do làmh o d' bhràthair bochd:

8 Ach fosglaidh tu do làmh gu farfaing dha, agus gu cinn-teach bheir thu air iasachd dha ni's leòr air son fheum, *do'n ni* a tha dh'easbhuidh air.

9 Thoir

<sup>a</sup> cruidd. <sup>b</sup> 'an coingheall. <sup>c</sup> mathaidh, fàraidh. <sup>d</sup> chionn gu'n

chur suasgladh an Tighearna ris.

<sup>e</sup> A chum nach bi,